

Наманган вилояти ҳокимлигининг коррупция фактларига доир мурожаатларни кўриб чиқиш натижалари ҳақидаги йиллик ҲИСОБОТ

I. Мурожаатлар юзасидан умумий маълумот

2022 йил 12 ойида коррупция фактларига доир 2 та мурожаат келиб тушган бўлиб, 1 таси (Н.Содиқова) Президент виртуал қабулхонаси орқали ва 1 таси (М.Болотова) Ўзбекистон Республикаси Коррупцияга қарши курашиш агентлигидан келган ёзма мурожаатларни ташкил этади.

Мурожаатлар ҳудудлар кесимида таҳлил қилинганда, 1 таси Давлатобод тумани ва 1 таси Чорток тумани хиссасига тўғри келади. Ҳисбот даврида вилоят ҳокимлигига ташкил этилган маҳсус алоқа каналлари орқали мурожаатлар келиб тушмаган.

II. Мурожаатларни кўриб чиқиш натижалари

Биринчи мурожаат бўйича: Чорток тумани, “А.Навоий” МФЙ Тадбиркор кўчаси 54-үйда яшовчи фуқаро Н.М.Содиқовани Президент виртуал қабулхонасига йўллаган 26.03.2022 йилдаги 155203/22-ракамли аризасида “Ўзини Чорток тумани ҳокимлигига ишлайман, 1-сектор раҳбари деб таништирган фуқаро Жабборов Шокир уй-жой олишда ёрдам кўрсатишини айтганлиги, шунда 2020 йил қиши фаслида 500 АҚШ доллари миқдоридаги пул маблағини Шерзод исмли куёви орқали Жабборов Шокирга берганлиги, бироқ ҳозирга қадар уй-жой масаласида ёрдам қилмаганлиги ёки пулларни қайтариб бермаганлиги”ни билдириб, амалий ёрдам бериш сўралган.

Мазкур мурожаат юзасидан ўрганиш ўтказилганда, Чорток туман ҳокимлиги Ташкилий-кадрлар гурухи раҳбари А.Носировдан Жабборов Шокир исмли ходим бўйича суриштирилганда, Жабборов Шокир исмли ходим Чорток тумани ҳокимлигига ишламаслиги, муқаддам ҳам ишламаганлиги, сектор штаби раҳбари, аъзоси ёки котиби бўлиб ҳам ишламаганлиги, Жабборов Шокир туман Агросаноат бўлими касаба уюшмаси раҳбари бўлиб илгари ишлаганлиги, ушбу ташкилот тугатилиб кетгандан сўнг, ишламай қўйганлиги, ҳозирда бирон-бир туман ташкилотида ёки хусусий секторда ҳам ишламаслиги аниқланган.

“Маҳаллий давлат ҳокимияти тўғрисида”ги Ўзбекистон Республикаси Қонуни ёки бошқа қонунчилик хужжатларида маҳаллий ижро ҳокимлари ваколатига фуқаролар ўртасидаги ўзаро олди-берди, фирибгарлик, ўзгани ишончини сунистеъмол қилиш каби ижтимоий хавфли қилмишларга хуқуқий баҳо бериш, пул маблағини ундириб бериш назарда тутилмаганлиги сабабли, фуқаро Ш.Жабборовнинг хатти-ҳаракатларига хуқуқий баҳо бериш учун тўплланган хужжатлар вилоят Ички ишлар бошқармасига юборилган. Чорток туман ИИБ томонидан ўтказилган суриштирув якунларига кўра, фуқаро Ш.Жабборовни хатти-ҳаракатларида фирибгарлик жинояти аломатлари аниқланмаганлиги, куёви орқали ўзаро олди-берди асосида 500 АҚШ доллари пулларини Шерзод исмли куёви тўлиқ қайтариб бериб, Н.Содиқовага ундириб берилганлиги сабабли фуқаро Ш.Жабборовга нисбатан жиноят иши қўзғатишни рад этиш ҳақида қарор қабул қилинган. Ушбу мурожаатни кўриб чиқиш натижалари бўйича келтирилган фактлар ўз тасдигини топмаган.

Иккинчи мурожаат бўйича: Наманган шаҳар Давлатобод тумани 1-кичик туман 63-йнинг 23-квартирасида яшовчи фуқаро Болотова Марина Николаевнанинг Давлатобод тумани ҳокимлиги ва “Навбаҳор” МФЙ мансабдор шахсларининг коррупциявий хатти-ҳаракатлари ҳақида 2022 йил 5 февралдаги ёзган мурожаати туман ҳокимлиги мутасаддилари ҳамда мурожаат муаллифи М.Болотовани шахсан иштирокида жойида ўрганиб чиқилган.

Мурожаат муаллифи М.Болотова билан сұхбатлашилганда, “Навбаҳор” маҳалла фуқаролар йиғинининг кўп квартирали (53,54,55,61,63,27/57) уйларига хизмат кўрсатувчи хусусий уй-жой мулкдорлари ширкатлари фаолиятини “Фаёзбек Нигина” МЧЖга бириктириш бўйича умумий йиғилишлар ўтказилмаган ҳолда баёнлаштирилганлиги, шу сабабли туман ҳокимининг 2022 йил 4 февралдаги 36-6-219-Q/22-сон қарорини қисман бекор қилинишини сўраган.

Аниқланишича, Ўзбекистон Республикаси Президентининг “Кўп квартирали уй-жойларни бошқариш тизимини янада такомиллаштириш тўғрисида” 2021 йил 19 июндаги ПҚ-5152-сон қарори ижросига мувофиқ, Давлатобод тумани ҳокимининг 2022 йил 4 февралдаги 36-6-219-Q/22-сон қарори билан туман ҳудудида жойлашган “Навбаҳор”, “Мустақиллик” ва “Тўқувчи” маҳалла фуқаролар йиғинларининг 103 та кўп квартирали уйларига хизмат кўрсатувчи 46 та хусусий уй-жой мулкдорлари ширкатлари ҳуқукий ворисликка йўл қўйган ҳолда “Фаёзбек Нигина” МЧЖга бириктириш асосида тугатилиб, мазкур уйларга хизмат кўрсатиш учбу МЧЖ шаклидаги бошқарув ташкилоти хизматидан фойдаланишга рухсат берилган.

Давлатобод тумани ҳокимининг 2022 йил 4 февралдаги 36-6-219-Q/22-сон қарори қонунийлиги ўрганилганда, Ўзбекистон Республикасининг 2019 йил 7 ноябрдаги “Кўп квартирали уйларни бошқариш тўғрисида”ги ЎРҚ-581-сон Қонуни 23-моддаси ва Ўзбекистон Республикаси Президентининг 2021 йил 19 июндаги “Кўп квартирали уй-жойларни бошқариш тизимини янада такомиллаштириш тўғрисида”ги ПҚ-5152-сон қарори 1-банди талабларига риоя этилган ҳолда кўп квартирали уй-жойлар жойлашган ҳудудларини очиқ танлов ўтказиш йўли билан (24.07.2021 йилдаги №1-сонли танлов комиссияси баённомаси) “Навбаҳор”, “Мустақиллик” ва “Тўқувчи” маҳалла фуқаролар йиғинларининг 103 та кўп квартирали уйларга хизмат кўрсатиш бошқарувчи ташкилот танлов ғолиби “Фаёзбек Нигина” МЧЖга маҳалла фуқаролар йиғинларининг кўп-қаватли уйлар мулкдорлари билан ўтказилган умумий йиғилиш баён қарорлари ҳамда жамиятнинг 2022 йил 16 январдаги туман ҳокими номига ёзган 1/01-сонли хати асосида рухсат берилган.

Ўрганиш жараёнида Давлатобод тумани ҳокимининг 2022 йил 4 февралдаги 36-6-219-Q/22-сон қарорини вилоят ёки шаҳар ҳокими ваколати доирасида қисман ёки тўлиқ бекор қилишга ҳуқукий асослар топилмаган ҳамда Давлатобод тумани ҳокимлиги ва “Навбаҳор” МФЙ мансабдор шахсларининг хатти-харакатлари (харакатсизлиги)да коррупциявий ҳолатлар (mansab ваколатини суистеъмол қилиш, таъмагирлик, манфаатлар тўқнашуви) аниқланмаган.

Ўрганиш якунига кўра, мурожаат муаллифи М.Болотовага Давлатобод тумани ҳокимининг 2022 йил 4 февралдаги 36-6-219-Q/22-сон қароридан норози бўлганлиги сабабли, Наманган туманлараро маъмурий судига шикоят аризаси билан мурожаат қилишга ҳақли эканлиги маълум қилинган.

III. Минималлаштириш чоралари

2022 йилнинг 12 ойида келиб тушган 2 та мурожаатда коррупциявий ҳолатлар аниқланмаганлиги сабабли, коррупцион хавф-хатарларни минималлаштириш бўйича чоралар кўрилмаган. Шу билан бирга, коррупцияга фактларига доир ҳар бир келиб тушган мурожаат алоҳида назоратга олинган ҳолда атрофлича ва синчковлик билан ўрганиб чиқилиши алоҳида назоратга олинган.

Вилоят ҳокимлигининг коррупцияга карши
ички назорат бўлими бўшлиги



Д.Эрматов